



Een scholle stee

*Een stee veur börger en veur boer,
een slichte zaandbult maank het moer,
en borg van older tot op heden.
Ach, Koevern streed een olde stried
en wun humzölf een nije tied.
De voorde is een gries verleden.*

*Hoe vake greep zien volk niet 't zweerd
en vechten fel veur huus en heerd!
Zölf s voerde 't kamp um iezerkoeken!
Ach, Koevern streed een olde stried
en wun humzölf een nije tied.
Wat west hef stiet in dikke boeken.*

*Veur haandel, ambacht en vertier,
veur leeftocht, braandstof, kruut en bier
greuf 't volk hum links en rechts kanalen.
Ach, Koevern streed een olde stried
en wun humzölf een nije tied.
Wör 't niet ebracht, zij zulden 't halen.*

*Die eertieds scholle stee in 't diep
wör stad mit trein en schösstienpiep,
een spinneweb van weg en sporen.
Ach, Koevern streed een olde stried
en wint humzölf een nije tied.
Zij weet van bronnen an-te boren.*

Deze rijmrent werd vervaardigd ter gelegenheid van de jaarlijkse zitting van de Ricardtclub in het kasteel van Coevorden op de dag van de Ganzenmarkt, 12 november 1990 op initiatief van slotvoogd mr. L.H.B. Spahr van der Hoek met als assessoren: prof. dr. M.G. Buist, H.D. Minderhoud, J.W.M. Nefkens en drs. H. Roest. Het gedicht is van Klaas Kleine en de prent is van Theo Boekhout.